

LI PLAIZI DU TZÂ-TIN

Kan nô souri lô bio tzâ-tin
 Tye lô tin lè sèrin
 Alin firè li fin
 In-nâ pè li mayen
 E li dzo dè krouè tin
 N'érin kori pè la dzou
 Vè se noe troeuvin lô loeu
 Avoui n'a tzamba dè bou
 Yô lô lô, riri - yô lô lô lô lô, lô riri
 Yô lô lô, lô riri - yô lô lô lô lô, lô riri
 Lô lô lô ri i yô lô

Tôta la dzorniva noe martzerin
 Su la mouefa è din li bôson
 E pouai lô ni noe rintrèrin
 Pô medje li makaron
 Bronja pè lô sôlè ardin
 In tyoeu noe tzantèrin
 Li plaizi du mayin
 E tô nontrô bônou
 Yô lô lô, riri - yô lô lô lô lô, lô riri
 Yô lô lô, lô riri - yô lô lô lô lô, lô riri
 Lô lô lô ri i yô lô

Alex	ani noe vô prèzintin la tzanson Francéza avoui n'a granta vedeta
tous	Frédéric François
Alex	Tyin âge t'à
Evelyne	yé dôz'an
Alex	Voeudré-toe nô derè lô métiè tie toe voeu firè ?
Evelyne	Yo vouai firè mékanesseyin pô li z'armadè.
Alex	Pô derè joestô, toe voeu firè vitèrinér
Evelyne	Na na pâ vitèrinèrè, mékanesseyin ! Pô monté on genre dè katalizoeu su la kavoua di vatzè. Toe sâ tie li vatzè de pèton sinkanta yâdzô pè dzô. Sin fi sinkanta litrè dè gâze pè dzô.
Alex	Vouè mi toe vâ aprindrè yo si métiè ? Sin lè nôvo, yin n'è kô rin dè métiè dinsè.

Evelyne Avoui pape. Yui la dza fi la makèta. Vora faaau firè la machina a pèdé su la kavoua di vatzè. Mi sai vènu se pô tzanté, pâ pô vindrè lô sèkrè

Alex Lè joestô, tâ raizon. Tzanta pie

Evelyne chante

Alex Bravo , (takôna di man) sin tè fi point.

Alex Lô dou, i toe vènu pô tzanté ?

Anne è tiè don ! Lè sartin tie sai vènu pô tzanté.

Alex Tyin âge t'â

Anne dye z'an delon tie vin a trai z'oeurè-vin du matin.

Alex Adon sin lè préci. T'ari pâ dè problémô pôr aprindrè on métiè.

Anne Pôr lô métiè sai penkô presta. Sé pâ bien tie vouai firè. Dè vouerbè voeudré tô firè, mi voeudré pâ avai manka dè mè kôrbé.

Alex Yè rin d'étonin intie, yin nè kô bien tie l'anmon mi aité a la rèversa tiè kôrbo. Sâ toe tzanté

Anne On petiou mouè.

Alex Adon tè fau vèni kantatôria, dinse t'â pâ manka dè tè kôrbé. Motra pie ton ramâdzô.

Anne (chante)

Alex Bravo, toe poeu tzanté, t'â tô sô tie fau : Lô ramâdzô è lô ploemâdzô.

Alex Vôlà ton tôr, Tyin âge t'â ?

Amanda Kator'jan apri dèman.

Alex Toe toe va vèni kâkon ! Sin lè l'âge tie l'ai Joseph, kan li frèrè l'an vindu i faraon. Tyin métiè toe voeu firè ?

Amanda Yé kô rin décide, mi ye pintzô bien du bie dè l'istouère. La première tzouza voeudré savai se din lô tin, kan tô lô mondô prèdjèvé patouè, l'ékrisan in francé ?

Alex Bin chuire tie l'ékrisan in francé. Fazan dè petioudè komèdeyè in francé. Li dzoeyevon, lô demindze apri dené, su on ponton dè râkâ. Pouai se, yé na lètre de Joseph Dorsaz dè mel voue sin vouetant'yon (1881) Toe poeu la yere.

Amanda lit la lettre

Alex è vora n'atyoeutin ta vouè

Amanda chante

Alex Bravo, lè bien, lè mi tiè bien

Alex Tyin âge t'â ?

Laure trèjan

Alex i toe vènu solète sedatè a ni ?

Laure Na, sai vènu avoui mama.

Alex Mama de tzantè te, dè yâdzô , avoui tè ?

Laure Mama, dè min tôte li mamè, a maizon, tè tin zin tin de badè lô ton.

Alex Formidâblô ! Vora tie t'â lô ton, noe nô z'impachintin dè t'atyoeuté.

Laure chante

Alex Bravo, bravo, è marsi a tôte li mamè pô la vibrachon du ton.

Alex Ti assoebin vènu pô tzanté ?

Stéphane Sai vènu esprè pôr sin.

Alex Va fran bien , Tyin âge t'â ?

Stéphane voue-t-an

Alex Lô pie bio âge dè la via. Tôta la sâla de sè rëdzouyè dè t'avouirè.

Stéphane chante

Alex Bravo, on monton dè bravo.

Alex Vin ma brâva, tyin âge t'â ?

Isabelle Yé die jan.

Alex Min ti vènu sedatè ?

Isabelle Sai vèni in vouèture avoui pape.

Alex Adon pape lè din la sâla.

Isabelle Vouè, lè drai , bâ u fon dè la sâla, lè si di pai regôto.

Alex Kau lè tie t'â aprai a tzanté ?

Isabelle Lè pape, tie m'a aprai. Yui tzantè kâzi dzor è ni.

Alex Adon mè parmètô dè demandé u kantatôré di pai regôto, dè vèni tzanté avoui sa chuite.

Alex Marsi, bravo pirè, n'atyoeutin hla dzinta kôbla.

Isabelle
et Joseph
Alex
Alex

chantent
Bravo, Bravo , voué fipoint.
è vora n'atyoeutin : Frédéric François !!!!